

Gullslottið ehf.  
Laufásvegi 22a  
101Reykjavík

Reykjavík, 31. maí 2021  
UST202105-227/I.M.B.  
09.06.01

### **Efni: Umsókn um leyfi til kvikmyndatöku í Skarðsvík í Þjóðgarðinum Snæfellsjökull**

Umhverfisstofnun hefur móttengið umsókn frá Gullslottinu ehf., dagsett 20. maí.2021, um leyfi til kvikmyndatöku á ströndinni á Skarðsvík í Þjóðgarðinum Snæfellsjökull einn dag á tímabilinu 1.-3. júlí 2021, kl. 16:00-04:00.

Þjóðgarðurinn Snæfellsjökull er friðlýstur sbr. reglugerð nr. 568/2001. Óheimilt er að kveikja eld á víðavangi sbr. 10. gr. reglugerðarinnar. Hvers konar atvinnustarfsemi og samkomuhald er óheimilt í þjóðgarðinum, nema til komi sérstakt leyfi Umhverfisstofnunar sbr. 17. gr. reglugerðarinnar. Mannvirkjagerð, efnistaka og hverskonar annað jarðrask er óheimilt nema til komi sérstakt leyfi Umhverfisstofnunar sbr. 18. gr. reglugerðarinnar.

#### **Lýsing verkefnis:**

Sótt er um leyfi til kvikmyndatöku á ströndinni í Skarðsvík innan þjóðgarðsins Snæfellsjökuls þann 3. júní nk. Um 45-50 manns munu koma að verkefninu. Rútu, kamri, þremur sendibílum og tveimur truckum auk nokkurra einkabíla verður lagt á bílastæðinu við ströndina. Gert er ráð fyrir að kveikja varðeld á miðri ströndinni með gasloga sem leikmynd mun hafa stjórn á og slökkva eldinn á milli taka. Settur verður upp bálköstur með spýtum og viðardrumbar fyrir fólk að sitja á. Umsækjandi myndi þurfa að loka ströndinni á tókudegi.

#### **Áhrifamat:**

Umhverfisstofnun metur að umrætt verkefni hafi hverfandi áhrif á verndargildi svæðisins og að áhrif þess sé afturkræf að fullu. Hins vegar hefur verkefnið áhrif á gesti svæðisins þar sem fyrirhugað er að loka aðgengi að því á meðan á tökum stendur.

#### **Skilyrði:**

Umhverfisstofnun veitir Gullslottinu ehf. fyrir sitt leyti leyfi fyrir kvikmyndatöku í fjörunni í Skarðsvík í þjóðgarðinum Snæfellsjökull sbr. lýsingu hér að ofan á einum af dögum á tímabilinu 1.-3. júlí 2021, að uppfylltum eftirfarandi skilyrðum:

- Hafa skal þetta bréf með í för á meðan verkefninu stendur og kynna fyrir starfsfólki þau skilyrði sem fylgja leyfinu, áður en undirbúningur og vinna hefst.
- Tilkynna skal til þjóðgarðsvarðar hvenær fyrirhugað er að verkefnið fari fram innan þess tímabils sem leyfið nær til með að minnsta kosti sólarhrings fyrirvara.
- Umhverfisstofnun skal tilkynnt um öll frávik við áður útgefna verkefnalýsingu, og eins ef breyting verður á tímasetningu verkefnis eins fljótt og auðið er.
- Þar sem þörf er á að fara út fyrir göngustíga skal þess gætt að valda sem minnstu raski og fjarlægja öll ummerki um athafnir utan göngustíga að verkefni loknu.
- Virða skal umgengisreglur sem gilda um svæðið.
- Koma skal fyrir merkingum á tókustað um að leyfi fyrir verkefninu hafi fengist hjá Umhverfisstofnun.

- Ef upp koma álitamál um framkvæmdir sem tengjast verkefninu og frágang svæðisins skal hafa samband við Umhverfisstofnun í síma 591-2000.
- Afmá skal öll ummerki verkefnisins á svæðinu að því loknu.
- Kvikmyndatökuliðið skal sýna öðrum gestum svæðisins tillitssemi og tryggja að tókurnar valdi eins litlu ónæði og hægt er.
- Reyna skal, eins og kostur er, að hafa lokunartíma svæðisins sem stystan til að valda gestum svæðisins sem minnstri truflun.
- Gæta skal að því að akvegur framhjá Skarðsvík út í Öndverðarnes verði opinn og teppist ekki vegna þeirra ökutækja sem koma að verkefninu.
- Ef myndefnið er ætlað til birtingar opinberlega skal það tekið fram í myndbandinu/myndatexta að leyfi Umhverfisstofnunar hafi fengist fyrir kvikmyndatökunni innan hins friðlýsta svæðis.
- Óheimilt er að trufla dýralíf.
- Óheimilt er að valda röskun á jarðminjum og gróðri.
- Allur akstur utan vega er bannaður.
- Starfsmenn verkefnisins gangi snyrtilega um svæðið og forðist allt rask og þess gætt að allur úrgangur verði fjarlægður.
- Losun salerna/kamra skal fara fram á viðurkenndum losunarstað utan hins friðlýsta svæðis.

Ef framkvæmdaraðili veldur náttúruspjöllum með framkvæmd í skilningi 87. gr. laga nr. 60/2013 um náttúruvernd getur Umhverfisstofnun t.d. lagt fyrir framkvæmdaraðila að afmá jarðrask og lagfæra gróðurskemmdir eða stöðvað framkvæmdir sbr. nánar XV. kafla laganna.

Ef umhverfisaðstæður á svæðinu breytast getur Umhverfisstofnun skv. 2. mgr. 89. gr. laga nr. 60/2013 um náttúruvernd breytt skilyrðum leyfis, bætt inn nýjum skilyrðum eða afturkallað leyfið til að koma í veg fyrir verulegt, ófyrirséð tjón á náttúru Íslands.

Sé skilyrðum leyfis ekki fullnægt getur Umhverfisstofnun afturkallað leyfið skv. 1. mgr. 89. gr. laga nr. 60/2013 um náttúruvernd.

***Leyfisgjald:***

Umhverfisstofnun hefur nú innheimt gjald fyrir vinnslu og afgreiðslu umsókna um leyfi á friðlýstum svæðum sbr. 1. mgr. 92. gr. laga nr. 60/2013 um náttúruvernd. Gjald fyrir umsókn um kvikmyndagerð og/eða ljósmyndatöku er kr. 52.600.- sbr. 24. gr. b. gjaldskrá Umhverfisstofnunar nr. 535/2015.

***Eftirlit:***

Umhverfisstofnun mun hafa eftirlit með framkvæmdum og frágangi á svæðinu. Eftirlitið verður framkvæmt af eftirlitsmanni frá Umhverfisstofnun.

Virðingarfyllst,

Jón Björnsson,

*þjóðgarðsvörður*

Ingibjörg Marta Bjarnadóttir,

*sérfræðingur*